

Қожа Ахмет Ясауи атындағы Халықаралық қазақ-түрік университетінің докторанты Исахов Бахытжан Сейдиллаевичтің «6D030100 – Құқықтану» мамандығы бойынша философия докторы (PhD) дәрежесін алу үшін дайындаған «Қазақстан Республикасын әлеуметтік мемлекет ретінде орнықтырудың конституциялық-құқықтық негіздері» тақырыбындағы диссертациялық зерттеу жұмысына ғылыми кеңесші, з.ғ.к., ҚазҰУ заң факультетінің мемлекет және құқық теориясы және тарихы, конституциялық құқық және әкімшілік құқық кафедрасы доценті, ҚР ҰЗА академигі У.А. Ахатовтың

### ШКІРІ

Докторант Исахов Бахытжан Сейдиллаевичтің «Қазақстан Республикасында әлеуметтік мемлекетті орнықтырудың конституциялық-құқықтық негіздері» тақырыбындағы диссертациялық зерттеу жұмысы қазіргі таңдағы өзекті мәселелердің біріне арналған. Диссертациялық зерттеу жұмысы Қазақстан Республикасында әлеуметтік мемлекет орнатуды кешенді түрде зерттеуге арналған. Зерттеу жұмысында әлеуметтік мемлекет анықтамасының конституциялық бастамалары, әлеуметтік мемлекеттің басты қажетті элементі ретінде азаматтық қоғамды құру негіздері, халықтың барлық топтарын біріктірудің заңды негіздемесі, әлеуметтік мемлекеттің толыққанды қалыптасуын іске асырудың қажетті кезеңі ретінде құқықтық мемлекеттің негіздемесі, либералды идеялардың нарықтық экономика дәуіріндегі мемлекеттің әлеуметтік рөлімен өзара әрекеттесу саласы, мемлекеттің әлеуметтік саясатының тиімділігін арттыру мәселелері, нарықтық қатынастар дәуіріндегі әлеуметтік мақсаттарға басымдық беру, елді әлеуметтік мемлекет ретінде нығайтуға ықпал жасайтын элементтердің өзара іс-қимыл мәселелері, әлеуметтік мемлекеттің конституциялық бекітілген белгілерін айқындау және мемлекеттік аппараттың әлеуметтік мемлекеттегі азаматтық қоғаммен өзара іс-қимыл факторлары кеңінен қарастырылған. Сондай-ақ, аталған мәселелерге қатысты отандық және шетелдік ғалымдардың тұжырымдарына салыстырмалы талдау жасай келе, олардың қол жеткізген маңызды ғылыми көзқарастары, ұстанымдары теориялық және тәжірибелік тұрғысынан қарастырылып, зерделенді.

Зерттеу жұмысының мазмұны, орындалу сапасы және қол жеткізген нәтижелеріне қарап, оның ереже талаптарына сай жүргізілгендігі жөнінде айтуға толық негіз бар.

Доктарант диссертацияның алға қойылған мақсаты мен міндеттерін қисынды түрде бір-бірімен сабақтастыра отырып, жұмыстың мазмұнын толық ашып көрсете білген. Қолданылған дереккөздері мен іргелі ғылыми еңбектерге сүйене отырып, жаға көзқараспен өз ойларын дәйектеуі зерттеу жұмысының ғылыми құндылығын арттыра түседі. Сондай-ақ әлеуметтік мемлекетті орнықтыруға байланысты шетелдік тәжірибеге сүйене отырып, салыстырмалы тәсілмен жасаған қорытындылары көңілге қонымды.

Зерттеу жұмысының мынадай жаңалықтарын атап көрсетуге болады:

– қол жеткізген нәтижелердің ғылыми жаңалығы мен маңыздылығы еліміздің тұрақты дамуға көшу жағдайында әлеуметтік мемлекет орнықтырудың теориясын одан әрі дамытуда болып табылады. Сондай-ақ, аталған диссертациялық жұмыс еліміздің тұрақты дамуға көшу жағдайында әлеуметтік мемлекетті орнықтырудың конституциялық-құқықтық негіздерін кешенді түрде зерттеуге арналған, қазақ тілінде дайындарған алғашқы жұмыстардың бірі деп айтуға болады;

– аталған зерттеу жұмысы – еліміздің тұрақты дамуға көшу жағдайында Қазақстан Республикасында әлеуметтік мемлекетті орнықтыру барысында орын алуға тиісті өзгерістерді көрсететін, кешенді құқықтық зерттеу болып табылады;

– зерттеу жұмысында әлеуметтік мемлекет модельдері мен оларды орнықтыруда кездесетін мәселелер егжей-тегжейлі қарастырылған. Докторлық диссертация қойылатын талаптарға толық сай келеді. Ғылыми жаңалығы мен қорытындылары дәлелді, қорғауға ұсынылады тұжырымдары да негізді, әрі дәйекті. Ізденушінің пікірлері мен ұсыныстарының қолданбалық маңызы жоғары.

Жұмыстың осындай өзіндік ерекшеліктері мен жетістіктерін ескере отырып, Исахов Бахытжан Сейдиллаевичтің «Қазақстан Республикасын әлеуметтік мемлекет ретінде орнықтырудың конституциялық-құқықтық негіздері» тақырыбында 6D030100 – «Құқықтану» мамандығы бойынша философия докторы (PhD) дәрежесін алу үшін дайындалған диссертациялық зерттеу жұмысын ресми қорғауға ұсынамын.

**Ғылыми кеңесші,  
з.ғ.к., ҚазҰУ заң факультетінің  
мемлекет және құқық теориясы  
және тарихы, конституциялық құқық  
және әкімшілік құқық кафедрасы доценті,  
ҚР ҰЗА академігі**

өл-Фар  
дапруга ж

Научельник управления подготовки и аттестации  
научных кадров КазНУ им. аль-Фараби

РЕ. Кудряков

\_\_\_\_\_ 20\_\_ ж/г.



**У.А. Ахатов**